

四庫全書

集部

欽定四庫全書

于湖集卷八

宋 張孝祥 撰

律詩

賀郊祀并序

臣恭維皇帝陛下飭躬齋精祇見郊廟神靈昭答
符瑞紛委臣猥叨奉引與覲熙事竊慕天保歸美
之義昧死再拜上郊祀慶成詩一章句格淺鄙不

足以鋪張鉅麗垂示無極臣不勝恐懼惟陛下幸

赦

漢統千齡接虞衡七政齊德馨天自饗容禋古猶稽輿

衛鈞陳北衣冠觀闕西

景靈宮在國之西

雨先清道蹕寒避禮

神主

給事中周麟之實進主為臣言主之溫手不知寒蓋和氣所聚

方士朝仙仗

是日有異

人迎駕于道左

宮垣挾御堤廟芝楹疊壁

去歲靈芝又生廟楹

帝樂宇連

奎

始用御製樂歌

虛次尤祗慄

不御小次懷親極慘悽

復位帝淚霑

自徽宗室還

灑不珠旒依玉色蘭炬映璇題兩相初扶翼崇壇六降

臚粵初卜郊及今六舉上儀於是方備二相高靈森欲墮諸福應如攜燎夜

壇三燭凌霜甲萬犀宗藩申寶酌祕檢護金泥奉引星
辰爛旋歸錦繡迷端門臨五鳳步輦駐雙霓日照雲裳
委風含綵簷低和聲翔四表嘉澤浸羣黎盛事真寥廓
微生荷獎提侍祠叨執爵著籍繆通閨異寵何由報孤
忠誓不睽裁詩獨慚晚猶得並鳬鷺

送顏廷藻歸三衢

歲事今如此公歸意若何倚門親望切傳舍客愁多美

識當圓石仙游看爛柯一科須俯拾五字要長哦

送郭遐齡

喬年

去從公府辟不為故人留國士真如此臺家合見收聲
名早多誤功業晚方優不必毛錐子相期定遠侯

次家君韻

栢禪工立雪松壽不凋寒筆底波瀾壯胃中宇宙寬登
車慵攬轡投檄願休官四海英名滿懸知袖手難

又

憶昔金門直通班玉殿寒風雲黃道近日月太虛寬法
錦羅千仗宮花覆百官江湖歲將晚未覺報君難

題玄英先生廟 方干

木老參天直江晴白日閑先生元不死遺廟亦空山文
采雲仍似風流正始間平生子嚴子高處得追攀

謹和老人貽具圓復之什

儒名參墨行詩律傲宗風老去能從我生來未識公據
梧心已死行李歲將窮應見維摩詰天花結習空

和王景文

陸行忌豺虎水去怯風波世路險猶爾客中愁更多吾
生真漫與天道合如何千古興亡意臨風一放歌

又

斯文到之子砥柱闕頽波致主規模別傷時疾疢多大
臣讒賈誼逆旅欠常何無路排閭闔聊當扣角歌

又

王師行六月淮海靜無波元老前籌密諸軍捷奏多西

風向蕭瑟北顧要誰何間說收兵後謳吟雜雅歌

即事簡蘇廷藻著

落日邊書急秋風戰鼓多私憂真過計長筭合如何盡
飲清淮戍仍收瀚海波棲遲一尊酒幽恨滿關河

和韓中父

天入南郊白雲連朔野昏微臣開盛府殤鬼哭新魂間
道通輶傳何當拜寢園荒寒歲將晚愁絕更堪言

又

東隣子韓子憂國忘晨昏也作漳濱卧誰招楚些魂舊
歎留幙府新渥到丘園家法傳來久遲君一盡言

東垣

固城朝送客東垣晚留儂浙近風煙好春回港汊通北
來愁亂轍南去喜疎蓬不是趨朝市松江學釣翁

過建德

古縣依山住肩輿帶雨來閭閻無地着巖壑有天開野
驛編青竹公庭砌碧苔傳聞長官好小泊亦佳哉

龜齡侍御以番陽士子之意作五峯亭且賦詩

某敬和

廬山真滿眼秀句憶東坡但遣佳名易懸知得士多雲
霄身已近星象手能摩太守文章伯風行水自波

過嶽麓見子雲題字偶逢來使因寄二詩

籍甚韓公子情親我弟兄星沙逢驛使嶽麓見題名共
作三年別相望五日一本作十日程湘江接淮水寄與濯塵

纓

又

故人應問我客裏定何如
馬鋪為行館雞栖是使車
四郊多賊壘五筦欠兵儲
此去無來鴈因人數寄書

送劉子思

送客古城東陰晴一日中
舊憐杉桎碧新喜荔枝紅
香火藪祠冷魚鰕小市空
明朝萬里別今夕此尊同

月夜與蔡濟忠曹公會汎舟自水東歸

一舸駕長風銀河此路通
波光連月白燭影到江紅
五

嶺經星外千山颶霧中不知今夜賞更有幾人同

鹿鳴燕

明庭下溫詔方岳貢羣賢巢鳳山中客栖

一本作驂鸞地上

仙魚龍回夜水鵬鶚在秋天添種家鄉桂歸途快着鞭

訾洲即事

一雨便清涼風回百草香雲山米家畫水竹輞川莊僧
賦蠲新帖牆榛斬舊行歸鞍乘晚霽空翠滿輕裝

罷歸

親老難為住恩深許放歸北行湘水闊南望瘴煙微兵
衛收門戟征塵上客衣遙知六七月喜氣滿庭闈

罷歸呈同官

去年秋七月我犯瘴煙來賦少畬田熟徑歸驛路開工
恩均雨露孤迹返蒿萊想像山中趣參差屐齒苔

又

嶺水常時急蠻山是處高戶輸無翠羽溪瘴有黃茅游
子歸鄉國斯人滯冗曹臨分那忍別風裏鬚蕭騷

贈江清卿

嶺海適相逢經年颼霧中
官閑詩格進祿薄俸囊空
子昔南征鶴吾今北去鴻
江湖渺何許聽唳九霄風

一本作一作一

舸釣
絲風

過靈川寄張仲欽兼贈王令尹

塵沙行半日煙火是靈川
縣只三家市渠通十斛舸
官空無見俸稅重有荒田
太息王郎子棲遲欲四年

滑石

重來滑石鋪為愛碧泉鳴古甃苔花溢虛簷桂月明喬
林通夜氣密竹動秋聲客裏清涼地悠然一振纓

興安

提封連嶺海風土似江吳仙去山藏乳商歸斗筭珠劬
農多樂歲厲俗有通儒已過炎關了吾行且緩驅

炎關

驅馬度炎關身經瘴野還稍餘衣帶水已盡劒鉞山海
月隨人遠湘雲似我閑不須占紫氣游戲且人間

蒸霞谷為曹公會賦

見說蒸霞谷連山只種桃補成天五色散作佛千毫月
底羣仙下風前細一本作綵仗高期君成美實歸獻赤霜袍

登瀛橋為曹公會賦

從此上瀛洲虹蜺晚未收濟川誰作楫浮海不乘桴弱
水三萬里五城十二樓讀書羣玉府風袂揖丹丘

丙戌七月望日自南臺遊福嚴書留山中

乞我一枝筇經行又別峯水流仙界葉風落化城鍾錫

去泉無恙車行石有踪卻憐磨衲老曾見兩儒宗

自方廣南


臺主僧萬致一能詩呂紫微汪內相昔嘗指授

和萬老

歸途正遼邈此地更淹留落木千山夜空江萬里秋聊
為無事飲莫賦畔牢愁明發催舡鼓風颿過橘洲

再和

吾行聊復爾處處賈胡留天入星沙晚風連夢澤秋未
容詩作崇政要酒澆愁明月無人伴携君鸚鵡洲



于湖集卷八

欽定四庫全書

集部

于湖集卷九至十五

詳校官起居注主事臣顧宗泰

主事臣呂雲棟覆勘

總校官知縣臣楊懋珩

校對官中書臣高 中

謄錄監生臣鄧世祿

欽定四庫全書

于湖集卷九

宋 張孝祥 撰

律詩

三塔寺阻雨

塔上一鈴語湖頭三日風
蒼山在烟外高浪與天通
市迴新芻少僧殘像教空
不妨留滯好且看夕陽紅

又

倦客三杯酒高僧一味茶涼風撼楊柳晴日麗荷花鐸
語時鳴塔漁歌晚釣槎停艫快清憩步穩襯明霞

過湘中得詩僧萬致一於書無所不讀非苟得
詩名於僧中者余欲與俱還吳中而萬家浯溪
將結草庵其上送余至湘陰復歸作四十字以
別

別去太匆匆回舡夢澤東擬尋行腳路忽遇打頭風梵
網威儀在天花結習空它年三百首吾爲子流通

欽夫子明定叟夜話舟中欽夫說論語數解天地之心聖人之心盡在是矣明日賦詩以別

江北我歸去湘西君卜居誰知對牀語勝讀十年書不飲清無寐來朋樂有餘明朝千里別密處幾曾踈

送張立之赴臨江判官

珍重清江掾相從五見秋炎涼無改節夷險有忠謀蓮幙開新府蒲帆漾小舟淒然洞庭野別意與川流

一作波流

黃陵廟

百世黃陵廟淒涼屋數間只憐斑楚竹那記赭湘山訪
古韓碑在徵歌屈些閑虞嬪更堯女莫入一作水仙班

磊石

鼓發營田市帆收磊石山冰紈六十里烟髻兩三鬟天
氣水雲合人家罾網間晚來風更熟別浦棹歌還

黃州

平生聞赤壁今日到黃州古戍參差月空江浩蕩秋艱
難念時事留滯豈身謀索索悲風裏滄浪亦白頭

東坡

繫舡着西日曳杖過

一作到

東坡暗井蛙成部荒祠鳥作

窠老仙騎鶴去穉子飯牛歌興廢何須問斯文自不磨
過蘄口六奉寺丞仲文親帖之貺今早本約來
陳店復勤千騎至冶塘所以招迎之意甚厚感
歎不已賦此爲謝

故人經歲別連日幾封書不識江頭路仍迂長者車追
參空幕府牽挽到賓除太息交情薄多公不我踈

臨發再和

水落魚成塞風高鴈欲書公爲東道主我滯北轅車邊
障無傳警朝廷有拜除江干便迎候此別未云疎

送仲子弟用同之韻

淒然鴻雁影晚歲索衣裘惜別湘江夜歸程楚甸秋極
知違定省不敢更淹留明月分攜處無言只是愁

送謝夢得歸昭武

莫吟青玉案恐敝黑貂裘國步艱難日人間浩蕩秋不

須鳥工徃且作賈胡留後夜回春閣淒然一段愁

和欽夫喜雨

佛剎起香雲高低一雨均使君心未已閣老句還新喜
入村鄉樂涼生甕盎春莫嫌知稼穡我是種田人

詩送荊州進士入都

人才收楚產賓薦謹周官就日三吳近披風七澤寬解
包珍貢入琢玉寶光寒簇仗春旗裏看君策治安

城西晚步呈王亮采

城西行半日佳客偶相隨古寺尋脩竹荒園讀斷碑三
杯午時酒一簇晚沙旗春色從今好重來未可知

壓雲亭

登臨多好處第一壓雲亭水作高低白山分遠近青人
家半烟樹客枕滿春汀賸欲留連晚歸時更摘星

玉淵亭

夜投寶覺寺徑上玉淵亭峽東千崖水天分一段星神
光行熠燿空翠矗青冥雄觀兼幽趣悠然寄獨醒

簡寂觀

瀑水流紅葉荒祠瑣翠微紫霄人不到白鶴事全非苦
笋今年少黃冠竟日饑摩挲石龍柱竚立爲歔歔

皇甫坦所居

石側疑無路峯回別有天神泉通玉海帝畫麗奎躔紫
闥雖重到青瑤卻未鐫直須香案吏爲寫白雲篇

出郊

楚霧侵衣潤湘江到眼明春連嶽麓寺花滿定王城佳

客真如此天公却不晴空濛殊可意沙濕馬蹄輕

酬朱元晦登定王臺之作

海內朱公子端能爲我來譚諧渺今古懽喜到輿臺日
月何曾蔽風雲會有開登臨一盃酒莫作楚囚哀

吳伯承生孫交游共爲之喜凡七人分韻我亦
從來識英物試教啼看定何如某得啼定字

得孫當贊喜喚客便分題樓鼓方行夜天星恰照奎熊
羆通夢寐孔釋自提攜湯餅那應晚吾來爲止啼

又

吳郎薄軒冕市隱室垂罄兒孫忽成行
乘除乃天定我女才三歲此事當退聽
賸欲便款門積雨道苦澗

贈王茂升

薦士移書早論交識面遲寬行十里路
細讀百篇詩句法能如此習中定自奇
不嫌知己少莫厭此官卑

秋日郊居

秋日郊扉樂心閑景趣閑風生疎竹裏
雨在片雲間疏

港聊通水關門不礙山殘書讀未盡飛鳥暮雲還

中秋書事

江月清光冷波亭夜色奇流螢翻露草倦鵲遶風枝素
魄不長滿故人頻語離有懷千里恨若爲一杯辭

請說歸休好

請說歸休好扶行白髮親訪醫無遠近買藥辦新陳索
酒兼鄰甕要賓盡里人短長無不可且得是閑身

又

請說歸休好從今自在閑
新除疊黃紙舊隱接青山
竹遶披風榭蘆藏釣月灣
田間四時景何處不開顏

喜歸作

月地參差影風簷取次花
酒爲春主掌貧是老生涯
湖海扁舟去江淮到處家
扶持兩仙伯丹鼎絢彤霞

故年家姚公挽章

世德方隆報君恩未及封
起家惟子好弗壽竟誰鍾
無復時中聖遙憐不相春
隻雞吾阻往杖淚睇喬松

于湖集卷九

欽定四庫全書

于湖集卷十

宋 張孝祥 撰

絕句

殿廬偶成

簾幙垂垂燕子風
宮花春盡翠陰濃
日長禁直文書靜
寶熱時時一拆封

和劉國正覓雌黃

劉郎家具少於車只有詩囊未厭渠乞與丹鉛將底用
點勘腹中行秘書

又

蠻牋欹斜落傑句清似秋月橫蛾眉口中雌黃蓋天下
聊欲教我煩新詩

蠟梅

滿面宮粧淡淡黃絳紗封蠟貯幽香遙憐未識春消息
乞與一枝教斷腸

次韻左舉善木樨

想見秋花插滿頭
遙憐不負此山遊
一枝併與詩筒饋
氣壓西湖萬斛秋

以茶芽焦坑送周德友
德友來索賜茶僕無之
也

帝家好賜喬雲龍
祇到調元六七公
賴有家山供小草
猶堪詩老薦春風

又

仇池詩中識焦坑風味官焙可抗行鑽餘權倖亦及我
十輩走前公試烹

蘄春道中

霜淨波平水落灣我行正在畫圖間簾鉤不用怕風日
且看江南江北山

次江州王知府叔堅韻

說河不救癡兒渴砥柱乃障頽波流庾公樓中三昧手
何時歸侍殿西頭

又

霜餘江北山如畫
歲晚家鄉稻作京
萬里公方黃鵠舉
扁舟我自白鷗盟

又

今朝放纜好天色
過午忽作打頭風
却望江州纔十里
我船且繫蘆花中

又

廬山突兀上霄漢
使君豪氣與相礪
廬山雖好不足戀

歸矣當爲蒼生謀

又

連城鼠璞不足唾
千金敝帚誰能疇
只今機會不容髮
願借前箸君當謀

又

谷簾釀酒極清美
風味大似主人翁
我有一尊正傾寫
却思烟雨庾樓中

又

何人列屋閉嬋娟
憶對清歌重慨然
一笑相憐窮相眼
謾撩詩思入愁邊

又

經行有恨是陰雨
不見香爐生紫烟
安得草堂容一榻
聽松聽水日高眠

道間見梅

寒女生來不解粧
天然玉色照孤芳
疎籬茅舍無端恨
故有幽人與斷腸

題定山寺

蹇驢夜入定山寺
古屋貯月松風清
止聞掛塔一鈴語
不見撞鐘千指迎

又

千山蒼茫月東出
萬木擺搖風怒號
幽人隱几撫羣動
清燈明滅爐烟高

昭亭食柑

一雙分我洞庭秋
梨棗傍觀不那羞
喚得風霜回齒頰

夜尋清夢五湖舟

和如庵

厭聽諸方三昧禪
却思夜雨對床眠
欲知千偈如翻水
看取朝來綠漲川

又

不談世法不談禪
徹曉齁齁一覺眠
箇裏神通元不小
回風急雨震山川

又

金華集卷十
朝供爐香夜供燈
閑來落得困曹騰
如庵許我參堂去
長作昭亭粥飯僧

又

一燈分作百千燈
光徧河沙正鬱騰
稽首應庵休揀擇
直須傳與在家僧

又

道人受偈自然燈
筆底光芒夜夜騰
詩成十手不供寫
鑿齒敢對彌天僧

又

飛蛾撲撲誤占燈火色何人要上騰我已澹然忘世味
蒲團紙帳只依僧

楓橋

四年忽忽兩經過古岸依然窄堵波借我繩牀消午暑
亂蟬鳴處竹陰多

題西湖可賦軒

風光獵獵上烏巾不那西湖爛漫春借我繩牀對脩竹

爲君一洗軟紅塵

題胡敦約山行圖

松行石磴兩崎嶇此去長安路更迂
底箇官儂強健在
葛巾芒屨自騎驢

從張唐卿乞韭黃

雪壓畦蔬僮手輟度郎多日欠常珍
懸知旅食初無恙
窖裏黃芽借得春

送紙衲韓中父

韓郎香盡諸緣絕
壞衲篝燈供佛熏
乞與紙衾綿樣暖
撩教醉裏夢紛紜

又

了知夢境皆虛妄
妄念常從夢處開
敗子道心因此夢
夢成還我紙衾來

再用韻

雪中紙衾有奇趣
煖香夜作椒蘭熏
毗耶丈室本無病
天女爲散花紛紜

又

雪花如席風色惡擁被圍爐門不開我亦窮閭車馬絕
一杯相屬望君來

將至宣城和壁間韻寄王宣子

一笑歸來見在身倒傾江水洗緇塵騎驢緩緩東風裏
知有工夫展故人

寄當塗王守叔堅

隔江燈火夜深明見說江城犬不驚何日告功當獻社

使君胷次有長城

隱靜覓杉株

舊聞隱靜庭前栢虎嘯龍吟三十秋
我亦經營一邱壑
無根樹子却須求

題夏氏莊

平湖漠漠雨霏霏
壓水人家燕子飛
欲向湖東問春色
杏花無數點征衣

舟中卽事

夜行水澁舟難進月白林稀鳥易驚老去不堪霜露力
尊中微覺似多情

小憩孫氏竹軒觀諸公詩

開軒種竹仍留客想見此翁強健時
借我繩牀小盤薄
爲君試讀壁間詩

又

種竹主人今白髮題詩客子半青雲
北來南去何時了
風月依然只此君

王龜齡遣妓送酒賜詩走筆爲謝

不復襄王夢裏雲紛紛縞袂與青裙
鳴鞭枉送齋中釀病徹杯觴欠薄醺

與薦福

湖上童童百畝陰丹樓碧閣照清深
不嫌歌板相喧聒要見桃花印此心

豐城觀音院有胡明仲范伯達汪彥章諸公題
字

中興人物數諸公遺墨淒

一本作然野寺中欲訪英靈無

處所獨搔蓬鬢立西風

入桂林歇滑石驛題碧玉泉

百折崎嶇嶺路頭一環清駛石間流須君淨洗南來眼

此去山川勝北州

明年重過次韻六言

世事風經雨過此身遇坎乘流折腰不爲五斗轍環或

徧九州

和都運判院韻輒記即事

登臨不但爲山水玉節政爾觀民風因君引我看勝處
詩在千山烟雨中

又

平生烟霞成痼疾置在朝市殊不宜夢尋歸路向何許
淮南小山生桂枝

又

先生名字帝所識三節在道已相望早晚鳴珂朝玉闕

朱衣正在殿中央

又

便建油幢上木天
棠陰元不用蒲鞭
南州小試調元手
國步多艱政要賢

又

綠簑青笠舟一葉
黃麻紫誥言如綸
君扶日月行黃道
我向江湖作散人

又

盆池雖小亦清深要看澄泓印此心不嫌蛙黽相喧聒
夜靜恐有蛟龍吟

又

君詩我續貂不足曹鄴大楚非匹儔要知二人唱必和
異日盛事傳中州

敬謝經畧秘閣餘甘湯

甘言誤我三折臂良藥爲洗五斗腸欲知苦過味方永
請試君家肘後方

又

此老才堪上諫坡南州留滯意如何還將苦口刪英主
醫國懸知藥籠多

德慶范監州以子石硯寵假雖小而奇戲作

曾侍虛皇玉案前夜書蠟紙筆如椽莫嫌此石規模小
一寸玄雲萬斛泉

又

端溪別駕極風流白璧明珠不暗投笑我支牀已多許

須君隱几更冥搜

以水仙花供都運判院

十月西湖冰齒涼梅間松下小齊房幽芳靚色天爲笑
落莫南來也自香

又

瘴土風烟那有此却疑姑射是前身冰肌玉骨誰消得
付與霜臺衣繡人

再和韻

雪屋因君發妙思作歌可比漢芝房根塵已證清淨慧
鼻觀仍薰知見香

又

玉壺寒露映真色霧閣雲窻立半身可但凌波學仙子
絕憐空谷有佳人

和仲欽題粉巖

一麾縻我欠追從悵望千山紫翠重忽向郵筒得新句
知君正在碧蓮峯

仲欽寄民爲重齋詩和答

齋中寒日影瓏葱齋外參天十八公二十四州民樂否
莫教一物怨途窮

又

玉節南來兩使星埋輪折檻有家聲不嫌齋榜民爲重
去國當時一葉輕

又

德意丁寧到綠林都捐刀劍作齊民皇華入奏天顏喜

金部司馬集卷十
趣得朝元第四春

又

行邊使者幾時回
寄我清風欲滿懷
已把十詩鐫樂石
爲公滿意落新齋

又

蠻烟瘴雨侵行李
每向南雲有所思
定自爲民忘涉險
請君細讀寄來詩

贈珪老求竹

東窻便種千竿竹，準擬清風六月涼。
傳語報恩珪長老，相煩去作竹街坊。

于湖集卷十

欽定四庫全書

于湖集卷十一

宋 張孝祥 撰

絕句

偶得四月菊以奉提刑運使

午陰籬落小裴回
底許清香鼻觀來
定自霜臺風力峻
故教霜菊暑中開

又

金縷裁衣玉綴裳
掃除瘴暑作秋香
一杯擬作重陽賞
更借西風一夜涼

偶得新茶獻提刑
文旣壽北堂
太夫人亦可助
齊眉之餉也

龍焙新春出尚方
細官佳句總堪嘗
遙知舉案齊眉處
再拜萱堂壽未央

鄭義寧送蓴菜

我夢扁舟震澤風
蓴羹到筯晚盤空
那知嶺海炎蒸地

也有青絲滿碧籠

贈甘法曹

北嶽仙人汗漫遊
斯文曾到海邊州
誰憐詩禮甘公子
牢落青衫向白頭

贈劉全州子龜從兄弟

山到湘中青未了
月橫嶺北夜何其
問字劉郎能載酒
爲渠更賦一篇詩

和蔡濟忠溪上

一潭秋水不見底十里暮山無斷頭長恨公餘過溪晚
放教明月上扁舟

廣右無筆劉子思攜一束來擇其尤者作字但
如此他日中州有筆當愛惜也

劉侯贈我筆一束筆鋒如錐管如玉不嫌夜艾剪銀燭
爲君一掃千兔禿

登七星山呈仲欽

魁杓歷歷控雲嵐地濶天虛萬象涵不與天公管喉舌

猶堪嶽立鎮湘南

又

便驅匹馬出烟嵐
聖主恩深若海涵
却到璣衡高處望
白雲無數滿江南

壽老迂使者以齋素不置餞

火雲飛電遠連天
太息齋厨几不羶
定自隨車有甘雨
爲言星使早加鞭

又

藩府東行迓繡衣海雲山月照旌麾錦囊賸有新詩句
寄與幽人莫遣遲

臨桂令以薦當趨朝置酒召客戲作二十八字
遣六從事佐之壽其太夫人

雙鳬舊作朝天計一鶚新收薦士書不惜持杯相煖熱
白頭慈母最憐渠

風洞

山入烏蠻連越巂天開斗野對珠宮應憐嶺海長炎熱

乞與清涼萬竅風

羅江驛

湘南湘北三十里六月七月再經過
紫荊花開白酒賤

奈此湘中風月

一本作山水

何

秦城

塹山堙谷久馳驅
南築堅城更遠圖
桂海冰天塵不動
那知壠上兩耕夫

龜潭

浯溪見渠文字古龜潭有此竹石幽王孫賣藥城市去
江雨過時余獨遊

早發衡山

飛廉盛怒土囊口美滿風帆真快哉後日南山山下過
更留餘力掃塵埃

西湖

岸草汀花對夕陽滿船新月夜鳴榔秋清菡萏紅千柄
風靜琉璃碧一方

舟中

扁舟東去幾時還
身寄雲濤決泝間
一夜櫓聲鳴到曉
覺來滿眼是它山

又

山圍平遠水浮天
目送歸鴻落照邊
好趁新年釀雲液
歸來猶及牡丹前

又

亂山深崦小蹊斜
野水微茫浸斷霞
一笛晚風生碧樹

始知林裏有人家

又

南來北去祇紛紛
又過荆山一月春
笑殺風前桃李樹
飄蓬猶作未歸人

又

泊船江口夜深深
月傍蓬窗照淺斟
隔岸漁燈半明滅
不眠空有故人心

喜雨

已晴復雨雨還晴慣閱人間夢不驚小立欄干搔短髮
亂雲飛度夕陽城

謝黃主管

一杯爲我貰天刑便覺人間有獨醒憶昨金華侍經席
曾分甘露飲春庭

有懷

故人春夢誰復見故園梨花二月天
丁祝主人時醉賞
荊州寒食又經年

廣右道中

參天古木綠陰合峻極層巒瀑布長啼鳥一聲家萬里
依然無語對斜陽

又

觸鼻野花香泛泛勸歸啼鳥意諄諄嶺南三月已煩暑
猶向江頭細問津

贈鹿苑信公詩禪

詩卷隨身四十年忙時參得竹簞禪而今投老湘西寺

卧看湘江水拍天

又

句中有眼悟方知
悟處還同病著
雖一箇機關無兩用
鳥窠拈起布毛吹

聞德遠與曾裘甫黎師侯會飲范周士所

海棠開後碧桃開
寒食人家燕子來
一病閉門三十日
更無屐齒到蒼苔

又

張飲名園樂有餘奉常何苦但齋居一杯我亦垂涎甚
病起無聊只羨渠

又

臞曾句法早知名新築詩壇五字城不要綈袍憐范叔
應將石鼎調彌明

水仙

淨色只應撩處士國香今不落民家江城望斷春消息
故遣詩人詠此花

賦衡山張氏米帖

人物千年海嶽翁
筆精墨妙與天通
傳聞有帖藏張姓
怪底湘江月貫虹

借魏元理畫

復古殿中留醉墨
只今神品世間無
衡山尚畫傳家寶
花鴨來禽肯借不

欽夫折贈海桐賦詩定叟晦夫皆和某敬報况
童童翠蓋擁天香
窮巷無人亦自芳
能致詩豪四公子

不教辜負好風光

贈周義山子季隱

廼翁幾年在黃閣郎君四十猶白丁一家榮瘁不足道
誰持此意聞天庭

樞密端明先生寵分新茶將以麗句穆然清風
久矣不作感歎之餘輒敢屬和

伐山萬鼓震春雷春鄉家山挽得回定自君王思苦口
便同金鼎薦鹽梅

又

先生筆勢挾風雷
春色先從筆底回
却笑麓官成漫與

望林止渴竟無梅

茶爲郵卒所竊
但詩筒至耳

又

詩腸隱隱轉飢雷

一本作殷
殷作驚雷

春困無人與喚回
強續新

詩終不似空傳衣鉢向黃梅

送慈曼如金山迎印老住大瀉

傳與金山山下龍
乞將上水一帆風
道人自有飛空錫

只載中冷十丈洪

小山書院

爲劉之翰作

萬里清江占一灣
叢生桂樹點幽閑
誰人得似劉郎子
賦到淮南大小山

舟中熱甚從鄂守李壽翁乞冰雪櫻桃

熟顆櫻桃

一本作種沙

和露摘新冰削玉
辟風開南樓縱作

一水隔不遣小舟衝浪來

夜半走筆

酬壽翁

短蓬掀舞不得寐忽枉新詩手自開主人留客不作意
更送一江風雨來

又

二年塵土堆中坐一到南樓眼暫開風靜江平留不得
待教黃鵠送詩來

琵琶亭

江州司馬舊知音流落江湖感更深萬里故人明月夜
琵琶不作亦沾襟

又

潯陽江上琵琶月彭澤門前楊柳風
兩賢抵許不相似哀樂雖殊吾意同

過三塔寺

湖光潋灩接天浮風捲銀濤未肯休
夜岸繫舟來古塔不妨蹤迹更遲留

又

層巒疊嶂幾重重萬頃烟波浩渺中
釣艇未歸饒夕照

耳邊盧葦戰寒風

于湖集卷十一

欽定四庫全書

于湖集卷十二

宋 張孝祥 撰

絕句

玉淵

靈源直上與天通
借路來從五老峯
試向欄干敲拄杖
爲君喚起玉淵龍

萬杉寺

莊田總是昭陵賜更著官船載御書今日殘僧無飯喫
却催積欠意何如

又

老幹參天一萬株廬山佳處著浮圖只因買斷山中景
破費神龍百斛珠

楞伽寺

朱砂峯下楞伽寺白髮僧生乙丑年乞我一杯清淨水
爲扶脚力上層巔

又

天圍欲盡三千界地險真成百二關
不向中峯最高處
諸君原未識廬山

又

山北山南劫火餘如何留得此僧居
一本作廬可憐鐘閣三
枝竹無復山房萬卷書

鸞溪

蒼龍翔舞餘千仞瀑水奔流欲百盤
定自山靈憐寂寞

故教臨鏡有窺鸞

漪瀾堂

水漫春洲到處通
檣竿無數插空濛
主人只愛堂前木
不放廬山入眼中

和家君韻寄舅氏

夷齊之清格鄙頑孳
孳盜跖何曾閑
空齋風定香縷直
但有書冊猶相關

送袁翟伯壽

萬里歸來無首宿扁舟共載兩哀君
今日送君向何處
黃鶴山中多白雲

奉題富文橫舟

山林城市不相得此處俱勝天
下降欲展江天一千里
橫舟西南更開窻

子餘許修草堂遣句勸請

蓮社高人久寂寥草堂風物故蕭蕭
追還舊觀須公等
喚我它年寄一瓢

次韻南軒喜雨

午窗溜雨忽潺潺想見欣然阡陌間
敬簡堂中有新事
水滿新池雨滿山

又

北風吹雲如裂絲赤龍卷水尾倒垂
雷轟電激不敢駐
驅入吾家喜雨詩

又

天公有意不作難一雨千里須臾間
但得湖南今歲熟

我亦腰鎌歸故山

又

使君保障仍蠶絲可憐民屋如磬垂今朝一雨秋事了
便可高詠豐年詩

送茶

頭綱入餅密雲龍曾侍虛皇拆御封今日湘中見新夸
喚回清夢九烟重

從吳伯承乞茶

三月新茶猶未識作詩去問野堂君春風有脚家家到
定爲麓官不見分

送僧遊天台

寶刹憑虛五百仙猶將心事向塵邊煩君試問橋東寺
若箇而今又應緣

石惠叔以石斛爲貺因筆賦詩

截得蒼山一段秋千峯萬壑翠光浮虛堂百尺琉璃簾
對此真堪作卧游

題趙知府墓

翁仲無聲石馬閑
墓門蕭瑟鎖青烟
故人仰卧青松下
落日孤村聞杜鵑

朝謁南嶽

泰常嵩岱拱神州
玉帛閑來四十秋
却到朱明回北首
憂時淚作九江流

題方務德靜江所作雪觀

昔日主人今法徒
空留偉觀古城隅
邦人指點思遺愛

我亦先生屋上烏

和伯承送茶韻

佳句新茶亦太奇
嘗新即日未全遲
掃除鴈鷺行邊事
細輾春風細讀詩

和伯承惠笋

錦籜離離鄉觸藩
怒雷挾雨更追奔
絕甘賴有吳公子
菌蠢貓頭不足論

又

楚產惟渠可定交時時隔壁望烟梢已煩穉子來相過
更有新詩送島郊

有懷長沙知識呈欽夫兄弟

順寧去覆郎官錦府谷仍監太府錢唯有吾宗老兄弟
閉門依舊絕韋編

又

春風花柳又芳妍更接髯郎水竹園小閣橫橋俱勝絕
只應欠我共開尊

又

召公分陝是東鄰天遠堂中好主人更喜新來黃太史
賸拚佳句了新春

又

髯郎高卧元無恙何日湘濱具一舟肯約春風同過我
爲公釀酒餽肥牛

又

洛陽家世邢郎子閒止逍遙自在身病肺秋來定甦
肯

可能乘興到沙津

題塔子寺

醑醑壓架玉交加深院無人
有落花却憶江南田舍樂
旋敲生火煮新茶

題斷堤寺

柔桑細麥綠油油雲水烘
春爛不收馬上困來尋歇處
斷堤寺裏半時留

又

堤邊楊柳密藏鷗
堤上游人兩髻丫
可惜行春來較晚
誰家留得碧桃花

又

古寺留春最得多
紫微花畔海棠窠
無人歲晚同幽獨
古栢陰森著薜蘿

德化漪嵐堂感二林碑六言

兩林文章翰墨只今塵土墻陰炎涼莫作世態是非當

印吾心

寘二林碑於屋後恐非作碑者之意請移置堂上

欽夫遣送箭筍日鑄甚珍用所寄伯承韻作六
言便請過臨

君家稚箭寶茗賜出太官水衡已約髯吳過我更須君
來細評

欽夫和六言再用韻

君詩與物俱妙鄙夫那敢抗衡芭蕉辟君三舍筍脯亦

須改評

欽夫筍脯甚妙
顧非稚箭比也

游湖山贈圓禪六言

素香無脂粉氣好語諧韶護音有人問西來意門前秋水沈沈

送萬老六言

桑下不須再宿囊中莫留一錢打鼓退高臺寺洗脚上五湖船

次東坡先生韻

微涼入舡窻秋水滿湘浦過盡前頭灘只得夜來雨

又

人魚不相及掛頰以香餌因循十年錯歸計覺今是

又

悠然望江南日出烟靄微倚門雙白髮屈指待兒歸

又

漁師來賣魚舡小風蕩漾得錢瞥波去不怕江流漲

又

朝發方良磯莫宿白水灣寬作一月程須見江南山

又

我程可默數中秋過江池趣得江南米新春玉滿箕

又

棧羊割肥紅社壘撥濃綠再拜爲親壽起舞自作曲

又

閉門靜觀心踵息闕天和從渠江頭人尺水一丈波

題福嚴寺行者堂

揮毫高山巔餘墨走龍蛇請收今夜雨爲汝洗袈裟

題梅塢圖

井序

尹孺文往時住廬山名所居曰梅塢蓋一丘一壑
自在孺文曾中觸於外者感乎內信乎其有樂於
此也孺文遇異人得丹竈術蠲病起死探囊一笑
客建康市久之邂逅故人恐其遂忘歸也爲此圖
殆騷人賦招隱之意然聖賢之學不但爲已孺文
窮困悼無以施諸人一寓之藥真得道者所爲儻
又欲按圖尋故巢翩然而往其可乎哉

我曾到梅塢正自畫不如是處有風月君無懷故居

贈趙簽

趙侯富貴種自有巖壑姿同姓古所敦早晚踏天墀

歸宗寺

兩峯雙澗水萬古一篇詩玉局竟仙去空山無此碑

烟雨觀

七澤闌干外茲游亦壯哉主人何處去猶未賦歸來

題朱元晦所書凱歌卷後

我詞不足錄聊以醒渠醉更參三十年當與風子對

贈萬上座

過了鐵圍山復生金蓮臺與問萬上座一笑愁容開

野牧圖

吳牛三十角久與牧相忘忽憶淮南路春風滿柘岡

又

秋晚稻生孫催科不到門人閑牛亦樂隨意過前村

題畫

權郎筆墨禪往者屢參請斯人骨已朽妙處一笑領

于湖集卷十二

欽定四庫全書

于湖集卷十三

宋 張孝祥 撰

文

原芝

紹興二十四年芝產于太廟楹當仁宗英宗之室詔羣臣畢觀奉表文德殿賀既二年芝復生其處校書郎張某作原芝曰非天私我有宋我祖宗在天篤丕祐于子

孫明告之符於惟欽哉在昔仁祖登三咸五以天下爲
公授我英祖以永我基祚於惟欽哉我聖天子躬濟大
業旣平旣治上恬下嬉惟大本未立社稷宗廟之靈亦
靡克寧饗有耀茲芝胡爲乎來天維顯思命不易哉和
氣致祥敢曰不然曷不于他乃廟產旃曷不于他惟二
宗之室曷不于他再歲再出於惟欽哉天意則然我祖
宗之意則然於惟欽哉我二三輔臣以告我聖天子告
我聖天子承天之意承祖宗之意早定大計惟一無貳

紛以貳起辛伯有言惟貳惟一治忽所原匪弗圖之憂
惟貳之懼敢告聖天子爲萬世慮蠢爾小子越職罪死
弗罪以思惟二三輔臣以思以謀告聖天子言有一得
以裨吾國萬死奚恤渠敢愛死而畏越厥職

記

遊無窮齋記

人之心思無不至也一息之頃北可以燕南可以越夫
物之善遊莫心若也方在越也則目之所營足之所履

越之山川城郭也而燕不與焉及其至於燕也猶在越也夫一息之頃也一心之思也而燕越不能以相通何也思爲之礙也故一物入於思一物爲之礙一事入於思一事爲之礙吾雖欲遊而事與物者留之其能無所不通而無所不至也哉子張子謂子郭子曰子好游乎子必無思而後可以游於無窮雖然無思者聖人之學也而吾與子何足以知之嘗試與子取其似者而言之子嘗寐而無夢矣乎寐而無夢非無思也神潛而心不

用也方是之時可喜可怒可哀可樂者紛於吾前而吾心不知焉則亦近於聖人之寐而無思也已夫昔之遊不遂者以吾之思累之今吾嗒然自放於一榻之上子欲求吾心之所在了不可得其遊燕耶越耶其在天地之間耶其出天入神而與化終始耶子固不能知之而吾亦安能知之豈獨吾不知之雖有聖人亦安能知之故名吾寢齋曰游無窮於子何如郭子曰信斯言也則子所不能自同於聖人者直在於寤寐之間豈其然耶

張子曰然吾方欲就睡須子他日來爲子言之紹興戊寅三月記

宣州修城記

宣爲城西南負山東北踞溪流幅員三千四百步建炎中侍御史直龍圖閣會稽李公嘗守以支潰卒圍閱月引去公益治城具器用嚴爲之備當是時江淮之間靡焉騷動惟宣以城堅好故不被兵宣之人德李公尸而祝之蓋距今辛巳餘三十年矣而定陶任公亦以御史

直龍圖閣繼李之績惟定陶公德成而行尊實大而聲
宏剛方以立朝豈第以牧民民聽旣孚吏虔弗媮教條
一施事訖于理乃視城壘東傾西決乃閱戎器剝折蠹
敗公聳然懼曰吾惟守土不此之務吾失職矣即日出
令裒材揆功易圯以堅增庠爲崇尺積寸會役有成數
檄召下縣使以徒集程督有制犒賜有時無偏徭無墮
工一月而裁再月而畢千雉雲矗百樓山峙屹業岷峨
若化而出池隍險幽門闥回阻誰何周嚴至者神沮凡

城所須無一不給旣又冶金伐石剗革揅木殺籜傳羽
濡筋削角練工之良大治兵械戈劒弓矢櫜堦戟幟視
諸故府乃易乃飭枚計其凡四十萬有奇邦人士女四
方賓客駭嘆其成天造鬼設冬十月金人絕淮翦我合
肥蹂我歷陽流梯投鞭規濟天塹並江列城焦然以憂
公旦起聞諜色不爲動徐召賓佐分畀其職某調某卒
某賦某甲某守某險米鹽薪芻鐵炭布帛瑣細之物毛
舉其目嚴以待命增斥堠申火禁察姦宄詰逋逃吏持

筆牘畢受成畫號令明壹奔走就事邑居之豪率其僮
客什伍相聯以藝自達受粟取傭豐殺以宜旬日得戰
士五千嚴兵登陴部分整暇驛聞諸朝恩給臺仗朝莫
閑習導以醴賞四鄰繹騷羽書交馳吏駭人搖滋不奠
居而吾宣城晏起早眠在都在鄙弗震弗驚邊之遷民
條路來歸振廩授地罔不得所十有一月金亮就斃闔
府文武撰日解嚴父兄子弟惟公之勤歡喜踴躍願肖
公象置祠宇如所以事李公者公持不可民不公之謀

亟營屋市中公命撤之邦人曰公德著聞天子且奪公歸之朝盍乞諸天子而留公則數百千人相與扶携走闕下拜疏願借公十年公又遣縣吏禁止民從間道疾馳卒上疏乃已或謂某子之居是邦也宜知之矣今吾父兄子弟將列公之事刻之金石使子孫不忘公文非子誰宜爲某謹應之曰不敢辭也雖然此公之細也使公自是進而居可爲之地一衆心以爲城尊主威隆國勢以保鄣天下此公之志也而見於宣城者公之細也

曾何足云勞苦父兄幸教某某不敢辭願因父兄之言
書顛末以詔來今年三月吉日歷陽張某記

樂齋記

趙再可於癸未之秋往主濠之鍾離簿事過別予於吳
門時敵方聚兵汴宋居江之北者蓋皆徙而南再可獨
驅車以北與再可戚而愛之者交諫止之再可慨然無
難色謂予曰吾聞濠自更辛巳之兵府寺蕩焉而吾簿
之於職又廢而復存者今吾往寓直之無所將營一椽

之屋以庇風雨而將名之孰可謀之子予名之曰樂齋
夫濠上之樂孰知之使吾於濠官守得其職固樂不幸
而不得其職而不害其爲趙再可者再可亦樂也又不
幸而敵入塞再可與民以心爲城擇險而守再可之志
如此再可亦樂又重不幸再可力不支而見得於敵再
可以得死所爲幸再可彌樂夫無徃而再可莫不有以
自樂再可茲行其策得矣彼紆朱懷金駕高車從卒吏
號稱大官平時冒爵位取富貴一旦敵人猝至股慄心

悸謀自竄之不暇聞再可之樂可愧死矣八月二十六日張某記

宣州新建御書閣記

臣前年客宛陵間出城東門望喬林中有屋餘百楹問知其爲學宮也即其後有出於衆屋之上歛傾支柱若樓觀云者御書閣也私念宣大郡民業於儒十五守多貴卿名人惟聖人之經天子所書於此乎藏之弗稱顧若是非政之闕耶今年秋臣自撫來吳舟行過江上解

后宣之士大夫則已雄詫其鄉之所謂御書閣者謂江而南環數十州莫若吾州之閣麗且壯而吾經營之功民蓋不之知焉臣心竊喜快謂前日方嘆其庫陋而今果有新之者恨未得一至其下也冬十一月宣之守集英殿修撰臣許尹以書謂臣使記其成臣頓首不辭竊惟我祖宗以聖繼聖所以出治一於道德仁義之實雖未嘗求工翰墨而英華之發越精神之運動心手相忘道藝一貫得於自然超冠古昔臣在秘閣嘗竊窺累朝

雲漢之章蓋以太祖皇帝艱難草昧日不暇給之際重
之劫火散亡之餘其書之存猶數十百卷自太宗至于
徽祖所藏益多然後知聖人所以遺其子孫謂雖極天
下之貴而退朝燕息從容娛樂者獨在於是狗馬聲色
技巧之奉不皇及也我太上皇帝天縱聖學遙追先猷
身濟多虞同於創業萬機餘力一寓之書六經諸子史
官之所記寫之琬琰頒於天下者無慮數千萬字特書
密賚登牀所取散於羣臣之家者不與焉於乎可謂盛

矣主上富於春秋稽古重華心畫之妙其則不遠臣知宣城之閣不足以盡藏所賜繼是又將闢而增之也昔者尹嘗爲工部侍郎以耆儒被上眷知上之德意志慮其來宣城百廢具舉農勸于耕士興于學廩有積粟帑有餘布旣新是閣盱俗呼舞整整愉愉邦用綏和蓋相其役者宣城知縣臣李端彥而教授於其學者臣豐至

風月堂記

風月堂旣成張安國過之李高使記其歲月夫士達而

爲宰相窮而爲農夫足夫已而遺其外樂一也坐廟堂
進退百吏時雨暘穰藝五穀以彼較此孰憂孰適李高
天下士獨從其適而遺其憂豈理然哉堂雖成予恐風
月不能淹李高於此也若予懵甚理亂不知黜陟不聞
飢而食渴而飲借公茲堂或可遺老

太平州學記

學古也廟于學以祀孔子後世之制也閣于學以藏天
子之書古今之通義臣子之恭也當塗於江淮爲名郡

有學也無誦說之所有廟也無薦享之地有天子之書
坎而寘之屋壁甲申秋直秘閣王侯鉅來領太守事於
是方有水災盡壞堤防民不粒食及冬則有邊事當塗
兵之衝上下震搖侯下車救災之政備敵之畧皆有次
叙飢者飽壞者築赤白囊晝夜至侯一以靜填之明年
春和議成改元乾道將釋奠于學侯語教授沈瀛曰學
如是今吾州内外之事畧定孰先於此者命其掾將暉
呂濱中撤而新之先是郡將欲樓居材旣具侯命取以

爲閣闕其門而重之凡學之所宜有無一不備客有過而嘆曰賢之不可已也如是夫今之當塗昔之當塗也來爲守者孰不知學之宜葺而獨忘之者豈真忘之哉力不贍耳始王侯之來民嘗以水爲憂已又以兵爲憂王侯易民之憂納之安樂之地以其餘力大新茲學役不及民頤指而辦賢之不可已也如是夫客於是又有歎也堯舜禹湯文武之天下傳之至今天地之位日月之明江河之流萬世無敝者也時治時亂時強時弱豈

有他哉人而已耳財用之不給甲兵之不强人才之不
多寧真不可爲耶詩曰無競維人謂予不信請視新學
夏四月旣望歷陽張某記

隱靜修造記

平時江東法席之盛建康曰鍾山當塗曰隱靜宛陵曰
敬亭敬亭黃蘗之所居而鍾山隱靜則又誌公杯渡託
化之地山川形勢畧相甲乙建炎之兵敬亭獨存鍾山
隱靜則瓦礫之場也自余徃來建康住鍾山者旣更十

餘輩未嘗不欲建立而卒不能有所就數年來僅能復有佛殿矣問其事力悉出於道人楊善才者寺之僧無與也惟隱靜介居繁昌南陵之間地瘠民窮而無大檀施山又深阻尋幽好奇之士不至妙義禪師道恭紹興甲子自大梅來披荆棘輦糞穢由尺椽片瓦之積至於爲屋數百千楹土木之工金碧之麗通都大邑未有也蓋妙義住此山於今二十有二年以歲月之久願力之堅規模之宏遠心計之精明始於至難積而至於易營

於所無積而至於有以能圓滿此大事因緣歷年雖多
一彈指之頃也爲屋雖多一把茅之易也夫以鍾山距
建康十里而近富商大賈之所走集金帛之施無虛日
舊觀之還其艱若此隱靜望鍾山不敢十一而所以莊
嚴成就乃百過之余嘗求其故矣妙義之道業足以致
此而其大端亦以久故也此佛事也非久不濟而今之
爲郡縣者視所居官如傳舍朝而不謀其夕欲民之化
也政之成也難哉年月日張某記

于湖集卷十三

欽定四庫全書

于湖集卷十四

宋 張孝祥 撰

記

仰山廟記

仰山二王自江而西飲食必祭威德所被齊光日月乾
道元年張某來守桂林時李金方寇郴陽羽書交馳於
道某謁於祠禱曰使廣西不被兵者神之賜則請爲王

廟于桂且奉神之像以俱其七月某至郡九月寇平蓋
嘗以萬人闖吾境知其備也引去惟王之仁之靈某不
敢盡述獨叙其答某者如此敬撰日擇地於城之北爲
王館御而書其所始使後有考且勸桂之民以虔事王
二年二月旦張某記

棠陰閣記

君子之爲政去之久而猶見思者必有惻怛愛民之誠
心感於民也深故其來也如慈父母之撫其子其去也

如父母捨其子而去父母捨其子而去子之心之思寧有旣耶猶曰吾父母將復吾歸及其久而不復來也思之之心益不能忘於是過其宮室見其所服用與其所愛樂起敬起慕尸而祝之社而稷之更數十百世而不敢怠者蓋昔之人以爲父母則今之人皆其孫子孫子而事其祖宜如何也余昔爲中都官聞閩有賢令曰張君仲欽閩之人歌舞之去而思之前年余爲建康仲欽適通判府事當塗闕守余檄仲欽攝焉居數月余罷建

康仲欽亦代去余居當塗之別邑往來田間聞民之思仲欽飲食必禱也余曰張君之政何如而使爾不忘若是民曰我亦不能知但去年有水菑而君實來民不知水今年水不爲害而吾懼然若將隕焉君之時吾與官若相忘君去我我日與州縣之吏接我亦不知其故知思君而已去年余來桂林仲欽提點廣西獄事下車一月冒黃茅瘴走二十五州以扁舟渡海吏士扣頭涕泣交諫仲欽褰裳登舟半濟風作舟師震駭仲欽怡然不

爲動也黜陟罷行一皆考之民民扶輿謹噉以爲百年
未之見也夫以當塗之思則知閩之思以閩當塗占之
仲欽之去嶺表而還天朝也民之思仲欽可勝述哉昔
召伯之教明于南國而人愛其甘棠故余登仲欽之閣
名之曰棠陰以識民異日之思閣之前有榕木交蔭閣
上仲欽之所遊息乾道丙戌五月朔日歷陽張某記

遊朝陽巖記

丙戌上巳余與張仲欽朱元順來遊水月洞仲欽酷愛

山水之勝至晚不能去僧了元識公意即其上爲亭面
山俯江据登覽之會五月晦余復偕兩賢與郭道深來
水潦方漲朝日在牖下凌倒景涼風四集仲欽忻然舉
酒屬余曰茲亭由我而發盍以名之余與仲欽頃同官
建康蓋嘗名其亭曰朝陽而爲之詩非獨以承晨曦之
光惟仲欽之學業足以鳳鳴於天朝也今亭適東鄉敢
獻亭之名亦以朝陽而巖曰朝陽之巖洞曰朝陽之洞
元順道深合辭稱善即書巖石記其所以張某記

千山觀記

桂林山水之勝甲東南据山水之會盡得其勝無如西
峯乾道丙戌歷陽張某因超然亭故基作千山觀高爽
闊達放目萬里晦明風雨各有態度觀成而余去廼書
記其極

衡州新學記

先王之時以學爲政學者政之出政者學之施學無異
習政無異術自朝廷達之郡國自郡國達之天下元元

本本靡有二事故士不於學則爲奇言異行政不於學則無道揆法守君臣上下視吾之有學猶農之有田朝斯夕斯不耕不耘則無所得食而有卒歲之憂此人倫所以明教化所以成道德一而風俗同惟是故也後世之學蓋盛於先王之時矣居處之安飲食之豐訓約之嚴先王之時未必有此然學自爲學政自爲政羣居翫歲自好者不過能通經緝文以取科第旣得之則昔之所習者旋以廢忘一視簿書期會之事則曰我方爲政

學於何有嗟夫後世言治者常不敢望先王之時其學與政之分與國家之學至矣十室之邑有師弟子州縣之吏以學名官凡豈爲是觀美而已蓋欲還先王之舊求政於學顧卒未有以當上意者則士大夫與學者之罪也衡之學曰石鼓書院云者其來已久中遷之城南士不爲便而還其故則自前教授施君鼎石鼓之學據瀟湘之會挾山嶽之勝其遷也新室屋未具提點刑獄王君彥洪提舉常平鄭君丙知州事張君松皆以乾道

乙酉至官下於是方有兵事三君任不同而責均雖日不遑暇然知夫學所以爲政兵其細也則謂教授蘇君總龜使遂葺之居無何而學成兵事亦已環三君之巡屬整整稱治夫兵之已而治之効未必遽由是學也而余獨表而出之蓋樂夫三君識先王所以爲學之意於羽檄交馳之際不敢忘學學成而兵有功治有績則余安得不爲之言以勸夫爲政而不知學者耶凡衡之士知三君之心則居是學也不專章句之務而亦習夫他

日所以爲政不但爲科第之得而思致君澤民之業使
政之與學復而爲一不惟三君之望如此抑國家將於
是而有獲與明年八月旦歷陽張某記

三河記

直秘閣胡昉治歷陽之明年令行禁止道不拾遺於是
始以民之餘力開三河曰千秋曰姚下曰石跋因民之
利不勸以從雷動風偃天造地設知閣門事龍大淵將
上旨視其成都統制劉源江東運使韓元吉淮西運使

梁竑皆會夫興事造業之難聖智懼焉是舉也惟天子之信臣臨之而諸賢參同異之論稱其平以復于上將不獨吾千里蒙其利爲保障爲繭絲昉其任是責哉乾道丙戌十月旦張某書于三瑞堂

觀月記

月極明於中秋觀中秋之月臨水勝臨水之觀宜獨往獨往之地去人遠者又勝也然中秋多無月城郭宮室安得皆臨水蓋有之矣若夫遠去人迹則必空曠幽絕

之地誠有好奇之士亦安能獨行以夜而之空曠幽絕
斷頃刻之翫也哉今余之遊金沙堆其具是四美者與
蓋余以八月之望過洞庭天無纖雲月白如晝沙當洞
庭青草之中其高十仞四環之水近者猶數百里余繫
舡其下盡却童隸而登焉沙之色正黃與月相奪水如
玉盤沙如金積光采激射體寒自眩閨風瑤臺廣寒之
宮雖未嘗身至其地當亦如是而止耳蓋中秋之月臨
水之觀獨往而遠人於是爲備書以爲金沙堆觀月記

萬卷堂記

歐陽文忠公之諸孫曰彙字晉臣者居廬陵之安成築屋其居之東偏藏書萬卷扁之曰萬卷堂乾道丁亥冬晉臣自廬陵冒大雪過余於長沙曰彙堂成久矣而未
有記也願以爲請夫人莫不愛其子孫也而爲之善田宅崇貨財今彙有三子不願以此愚之也蓋辛勤三十年以有此書以有此堂而使三子者學焉余以爲文忠公之德宜有後也而今未之聞焉充晉臣之志其在茲

已其在茲已晉臣歸幸爲我告之古之所謂讀書者非以通訓詁廣記問也非以取科第苟富貴也亦曰求仁而已仁之爲道天所命也心所同也聖人之所覺焉者也六經之所載焉者也得乎此一卷之書有餘師矣不然盡讀萬卷之書以爲博焉其可也以爲知讀書則未也

壽芝堂記

秘閣修撰襄邑鄭公子禮自湖南轉運副使就拜本路

提點刑獄提刑置司衡州而衡州子禮落南寓家所在
於是有芝產於內寢一本九莖五色備具子禮築新堂
未有名也客或考芝之祥名之曰壽芝蓋五芝生五嶽
得以和藥皆致神仙壽千歲子禮今年七十有二康寧
而好德其奉使典州皆有績惠語曰仁者壽則芝之生
豈徒然哉余與子禮廣西湖南同官又有連也旣書其
扁又爲之記乾道丁亥十二月望歷陽張某記

金堤記

蜀之水既出峽犇放橫潰荊州爲城當水之衝有堤起於萬壽山之麓環城西南謂之金堤歲調夫增築夏潦方淫府選才吏分護堤上乾道四年自二月雨至于五月水溢數丈既壞吾堤又齧吾城晝夜湏洞如疊萬鼓前尹尚書方公極救災之道決下流以導水勢親督吏士別築堤城中民安不揺越兩月而後水平秋八月某自長沙來以冬十月鳩材庀工作新堤凡役五千人四十日而畢已決之堤匯爲深淵不可復築別起七澤門

之址度兩阿之間轉而西之接于舊堤穹崇堅好悉倍于舊旣成某進府之耆老問堤之所以壞曰異時歲修堤則太守親臨之庫者益之穴者塞之歲有增而無損也堤是以能久今不然矣二月下縣之夫集則有職于是者率私其人以充它役或取其傭而縱之畚鍤所及併宿草與土而去之耳視堤旣平則告畢工於是堤日以削而卒致於潰也予感其言因書之以告來者使知戒焉築堤餘材裒之作小亭于堤之半取少陵江湖深

更白松竹遠微青扁之青白亭而刻文于壁間五年三月張某記

荆南重建萬盈倉記

按荊州圖經府倉在牙城西街北今之倉者乃在牙城之南街西其遷廢歲月不可得而考也初荊州平時米麥麻豆歲輸于府者合十四萬有奇今財七之一以其少也故廩庾出納在官者不復甚經意因陋就簡以至于今十年來荊州屯兵諸道之饑者受給無所於是因

倉之餘地續創爲屋橫邪曲直隨地之宜如積薪如布
筭或高或庠上雨旁風至棟桷委地而猶藏穀軍士月
給皆黑腐以飼雞豚且不食余至官三月旣築潰堤間
與僚吏周視官寺蓋無有不敝壞者而倉爲急會朝廷
賜以峽州所買之木即檄統制官董江節度判官趙謙
攝掌書記汪琳撤舊屋而新之合爲屋一百五十楹揭
之曰萬盈倉外峻墻垣內謹局鑰臺門高廣聽事深明
面勢位置稱其爲大有司也自湖之南北江之東西舉

無與吾倉爲儷者是役也奔走程督又有攝潛江巡檢
郭撫凡用木九千枚緡錢六千米千斛旣成而余以親
疾丐祠去前所謂官寺之當葺者僅能畢甲仗庫若學
宮軍帑則已鳩工而未成也乾道五年三月旦歷陽張
某記

黃州開澳記

守楊宜之至黃三月問諸父老曰黃之所以未復其故
者以古澳之未濬也黃爲州臨江背山沙岸壁立客艘

上下無所於治幸而畢關征則棄去如脫兔四方之物至黃者不復貿易黃之民惟其土之毛晝合於市無所售則悶然以歸夫然者以四方之來者不留故也今誠還澳之舊使順流而下沂江而上者不于黃有風濤之厄稍爲旦暮計黃之爲黃庶乎可也宜之惕然不皇顧其帑廩之有無即日鳩工惟父老之言爲信親率畚鍤於以用民而民無怨閼廿日而開澳之工畢始澳有上源乘夏潦之淫沙水俱至水去沙積日濬治之亦填淤

也宜之謂澳者所以藏舟絕一源則下澳長無湮塞之患蓋前之議者未及講也乃罷開上澳余來適丁其成且宜之之言方公務德則啟其端余視方公爲丈人行故樂記所以乾道五年四月八日張某記

于湖集卷十四